

„მთავარი არხის” პოზიცია ჟურნალისტური ეთიკის ქარტიაში შემოსულ საჩივარზე

მიგვაჩნია, რომ განმცხადებლის მტკიცების საწინააღმდეგ, „მთავარი არხის” ჟურნალისტს, ნიკა გვარამიას, არ დაურღვევია ჟურნალისტური ეთიკის ქარტიის პირველი, მე-3 და მე-11 პრინციპები. სადავოდ გამხდარი გადაცემა „მთავარი აქცენტები” ამა წლის 13 ივნისს წარმართა დისკუსია-დებატის ფორმატში, სადაც დაცული იყო როგორც ჟურნალისტური ეთიკის სტანდარტები, აგრეთვე, ჟურნალისტური აგრეთვე გამოხატვის თავისუფლების ფარგლები.

ჟურნალისტური ეთიკის ქარტიის 1-ლი პრინციპი

პირველი პრინციპის თანახმად, ჟურნალისტმა პატივი უნდა სცეს სიმართლეს და საზოგადოების უფლებას – მიიღოს ზუსტი ინფორმაცია.

ქარტიის პრინციპთა განმარტების შესაბამისად, უნდა ჩანდეს ჟურნალისტის მცდელობა, რომ მან საზოგადოების მიმართ გამოიჩინა პატივისცემა და ბოლომდე გადაამოწმა ფაქტები, რათა გამოექვეყნებინა სიმართლე და ზუსტი ინფორმაცია. ზუსტ ინფორმაციად, შეთანხმების თანახმად, ჩაითვლება ორ წყაროსთან გადამოწმებული ინფორმაცია, რომელშიც იდენტიფიცირებულია ადამიანი, ადგილი, მოვლენა-ვისაც და რასაც ეხება ინფორმაცია.

„პოსტ-ფაქტუმის პირველი თემის გაგრძელება”- ამ სიგეყებით იწყება სადავოდ გამხდარი 13 ივლისის გადაცემა „მთავარი აქცენტები”. გადაცემის ფარგლებში მოწვეულნი იყვნენ ჟურნალისტები, პოსტ-ფაქტუმში გასული სიუჟეტის მონაწილეები და გარდაცვლილი თამარ ბაგაჩიალიაშვილის ადვოკატები. გაიმართა დისკუსია-განხილვა იმ ინფორმაციისა, რომელიც მაყურებლისათვის გახდა ცნობილი პოსტ-ფაქტუმში დავით აბრამიშვილის მიერ მომზადებული სიუჟეტიდან. გადაცემაში შესაძლებელი გახდა სიუჟეტის ავტორისთვის მის მიერ მომზადებული სიუჟეტის შესახებ მეტი ინფორმაციის გაგება, ვინაიდან დისკუსიის გარკვეული ნაწილი კითხვა-პასუხის ფორმატში მიმდინარეობდა. ამ გადაცემაში არსებითად არ გაჟღერებულა ისეთი ინფორმაცია თამარ ბაჩალიაშვილის საქმიანობასთან დაკავშირებით, რაც იქამდე სხვა ეთერებით, თუ ამავე არხის სხვა გადაცემებით არ იყო ცნობილი მაყურებლისათვის. მოხდა ამ ინფორმაციების შეჯამება, ერთ სივრცეში თავმოყრა და ამ საკითხის ირგვლივ დისკუსიის წარმართვა, სადაც მოწვეულმა სტუმრებმა საკითხის ირგვლივ საკუთარი შეხედულებები დააფიქსირეს.

მე-3 პრინციპის საგარეულო დარღვევის საკითხი

ქარტიის მესამე პრინციპი გულისხმობს, რომ ჟურნალისტმა უნდა გადასცეს ინფორმაცია მხოლოდ იმ ფაქტებზე დაყრდნობით, რომელთა წყაროც დადასტურებულია. „წყარო დადასტურებულია” ნიშნავს მხოლოდ და მხოლოდ იმას, რომ ჟურნალისტმა იცის ვინ არის ამა თუ იმ ფაქტის წყარო, მაგრამ არაა ვალდებული გაამხილოს წყაროს ვინაობა. ამ მუხლის ქვემდებარეა წყაროს სანდოობის საკითხი. აქ არ იგულისხმება ადამიანი, ვისაც აქვს შესაბამისი კომპეტენცია და ვისაც ხელი მიუწვდება კონკრეტულ ინფორმაციაზე.

გადაცემის განმავლობაში გაჟღერებული ფრაზები ძირითადად ეყრდნობოდა იმ ინფორმაციას, რომელიც დავით აბრამიშვილმა გააჟღერა საკუთარ სიუჟეტში, აღნიშნული გადაცემა იმავე დღეს გავიდა ეთერში, რაც სადავოდ გამხდარი გადაცემა „მთავარი აქცენტები”. თავად სიუჟეტის ავტორი დავით აბრამიშვილი პირადად მონაწილეობდა დისკუსიაში, როგორც ინფორმაციის პირველწყარო. რაც შეეხება სხვა სტუმრებს, ისინი ძირითადად შეფასებებს

გამოხატავდნენ. შესაბამისად, ინფორმაციის ყველა წყარო იდენტიფიცირებულია და ცნობილია მაყურებლისათვის. ის ვიდეო-მასალა, რომლის ირგვლივაც მიმდინარეობდა დისკუსია, ასევე წარმოდგენილი იყო გადაცემაში და მაყურებელს თავად შეეძლო შეეფასებინა იგი და გაეკეთებინ სათანადო დასკვნები.

მე-11 პრინციპის საგარეულო დარღვევის საკითხი

მე-11 პრინციპის დარღვევად მიიჩნევა ინფორმაციის განზრახ დამახინჯება.

საკუთარ განაცხადში საჩივრის ავტორი ნიკა გვარამიას მიერ გაკეთებული განცხადებების ინტერპრეტირებას აკეთებს და წარმოაჩენს მათ იმდაგვარად, თითქოს სინამდვილეში სწორედ ამ სახით გააქლერა ისინი ჟურნალისტმა.

საყურადღებო და მნიშვნელოვანი გარემოება ამ შემთხვევაში ის კონტექსტია, რა კონტექსტშიც წარიმართა მთლიანი გადაცემა. ეს არის ერთგვარი რეზიუმირება შეფასება იმ ჟურნალისტური გამოძიებისა, რომელსაც თვეების განმავლობაში აწარმოებდნენ არხის ჟურნალისტები, კერძოდ, მასში აქტიურად იყო ჩართული დავით აბრამიშვილი, რომელმაც მოამზადა სიუჟეტი და სადავო გადაცემაში მისი პრეზენტაცია მოახდინა. გარდაცვლილი თამარ ბაჩალიაშვილის ადვოკატები, რომლებიც ასევე იყვნენ წარმოდგენილები სადავო გადაცემაში, უკმაყოფილონი იყვნენ გამოძიების შედეგებით, მათ არ გადმოეცათ საქმის მასალები სრული მოცულობით და საქმის წარმოება დროზე ადრე შეწყდა, მათი შეფასებით. შესაბამისად, ისინი კოლაბორაციაში არხის ჟურნალისტებთან ერთად ცდილობდნენ თავიანთი რესურსით ნათელი მოეფინათ იმ ბევრი ბუნდოვანი გარემოებისთვის, რაც საქმეს უკავშირდებოდა.

კომპანია „მეგ“-ის სახელი ბუნებრივია, ბაჩალიაშვილის გარდაცვალების კონტექსტში ძალიან ბევრჯერ გაქლერდა, ვინაიდან სწორედ ამ კომპანიაში მუშაობდა იგი გარდაცვალებამდე და ის მტკიცებულებითი ბაზა, რაც მოგვეპოვება და გასაჯაროვდა მისი სისხლის სამართლის საქმის ფარგლებში, აჩენს გონივრულ ეჭვებს, რომ შესაძლოა, გარდაცვალება რაიმე სახით დაკავშირებული ყოფილიყო მის სამუშაო ადგილთან. ეს კითხვაა, რომელიც სრულიად ლოგიკურად ჩნდება ამ კონტექსტში. გადაცემის ავტორები ცდილობდნენ დაეკმაყოფილებინათ ლეგიტიმური საჯარო ინტერესი და სამოგადოებისთვის მიეწოდებინათ ინფორმაცია ამ გახმაურებული გარდაცვალების დეტალებზე, განსაკუთრებით იმ ფონზე, როდესაც არაერთხელ ითქვა საჯაროდ, რომ შესაძლოა სახელმწიფო უსაფრთხოების სამსახური ფიგურირებდეს აღნიშნულ საქმეში.

ჟურნალისტებს აქვთ უფლება დასვან კითხვები, მათ შორის გააკეთონ მწვავე შეფასებები და ეს სრულად ჯდება გამოხატვის თავისუფლებით დაცულ სფეროში. შეიძლება ვინმესთვის მათი განცხადებები მიუღებელი და შეურაცხმყოფელიც კი იყოს, მაგრამ ეს არ ნიშნავს, რომ გამოხატვა უნდა დასაწყვიტდეს აღნიშნული მიზეზით. გადაცემის დასაწყისში ნიკა გვარამია ახსენებს იმ კონტექსტს, რომელიც ბოლო პერიოდის განმავლობაში არაერთხელ გაქლერდა კომპანია „მეგ“-თან მიმართებით, რომ შესაძლოა ეს კომპანია პორნო ინდუსტრიაში ყოფილიყო ჩართული. ეს მისი ვარაუდია, რომელიც ადრე ტელეეთერებით გავრცელებულ ინფორმაციას ეყრდნობა. ჟურნალისტს შესაძლოა ჰქონდეს თავისი მოსაზრებები და მეტიც, უფლება ავქს გაავრცელოს ეს შეხედულებები ტელეეთერით. გადაცემის დასაწყისშივე წამყვანი აცნობს მაყურებლებს ახალ ინფორმაციას საქმის ირგვლივ და აცნობინებს, რომ პორნო ინდუსტრიის ნაცვლად, ჟურნალისტური გამოძიების საფუძველზე გამოვლინდა, რომ

შესაძლოა ადგილი ჰქონდა სხვა სისხლის სამართლის დანაშაულს. რაც ასევე წამყვანის შეფასებაა იმ ინფორმაციაზე დაყრდნობით, რაც ცოცხალი ხნით ადრე ამავე არხის ეთერით გავრცელდა.

საჩივრის ავტორი აცხადებს, რომ ჟურნალისტის მიერ გაკეთდა თამარ ბაჩალიაშვილის ინტერვიუს მცდარი ინტერპრეტაცია, რომ ის, რასაც წამყვანი ამბობდა, არ გამომდინარეობდა და არ იკითხებოდა ბაჩალიაშვილის მიერ ჩაწერილი ვიდეოდან. ვიდეო-რგოლები, რომლებზეც საჩივრის ავტორი საუბრობს, გავიდა მაუწყებლის ეთერში, მაყურებელს ჰქონდა საშუალება თავად ენახა, შეეფასებინა და დასკვნა გამოეგანა ამ ვიდეო-რგოლების საფუძველზე. ის, თუ რა სახით განმარტავს და რა ამრს გამოიგანს აქედან თავისუფალი დისკუსიის რეჟიმში ჟურნალისტი, მისი შეფასების საგანია. ამრიგად, შეფასებითი მსჯელობა „სიგვვისა და გამოხატვის თავისუფლების შესახებ“ კანონის საფუძველზე აბსოლუტური პრივილეგიითაა დაცული.

აგრეთვე, ის დასკვნები რაც გაკეთდა ჟურნალისტური გამოძიების პროცესში, მონაწილე ჟურნალისტთა მოსაზრებას წარმოადგენს, რომელიც მათსავე მიერ მოძიებულ ფაქტებს ეყრდნობა. ფაქტია ის, რომ თამარ ბაჩალიაშვილი მუშაობდა შპს „მეგ“-ში, ფაქტია, რომ მას ჰქონდა გახსნილი ანგარიში პლატფორმა „GitHub“-ზე, სადაც იგი მუშაობდა კოლაბორაციაში სხვა პირებთან ერთად, მათ შორის განმცხადებელ ნიკოლოზ გეჯაძესთან ერთად. ნიკა გეჯაძე იყო ეყრდნობა აღნიშნულ ინფორმაციას და საკუთარ პოზიციას აფიქსირებს საკითხზე. თუკი განმცხადებელი არ იზიარებდა ამ პოზიციებს და შეეძლო საპირისპირო არგუმენტები წარმოედგინა ამ ფაქტების გასაბათილებლად, მას ჰქონდა შესაძლებლობა დასწრებოდა დისკუსიას. გადაცემაშიც აღინიშნა, რომ საჩივრის ავტორი მოწვეული იყო გადაცემაში, თუმცა მან თავისი სურვილით უარი თქვა მონაწილეობაზე.

ყოველივე ზემოაღნიშნულიდან გამომდინარე, მიგვაჩნია, რომ არ ღარღვეულა ქარტიის მე-11 პრინციპი.